

四庫全書

子部

欽定四庫全書

子部
冊府元龜卷二百八十三

詳校官中書臣王鵬

員外郎臣牛稔文覆勘

總校官庶吉士臣何思鈞

校對官助教臣羅萬選

謄錄監生臣姚培敦

欽定四庫全書

冊府元龜卷二百八十三

宋

王欽若等

撰

宗室部

承襲第二

後漢齊哀王章光武長兄續長子建武二年立為太原
王十一年徙為齊王立二十一年薨子殤王石嗣立二
十四年薨子晃嗣晃立十七年以罪貶爵為蕪湖侯晃
卒子無忌嗣章帝以伯升首創大業而後嗣罪廢心常

愍之時北海亦絕無後遺詔令復二國永元二年乃復封無忌為齊王是為惠王立五十二年薨子頃王喜嗣立五年薨子承嗣

下博侯張齊殤王子建中初卒子它人奉其祀

北海靖王興光武長兄績次子建武二年封為魯王嗣光武兄仲立三十九年薨子敬王睦嗣立十年薨子哀王基嗣基立十四年薨無子章帝憐之不除其國和帝永元二年封睦庶子斟鄉侯威為北海王奉睦後立

七年威以非睦子又坐誹謗檻車徵詣廷尉道自殺永
初元年鄧太后復封睦孫壽光侯普為北海王是為頃
王普立七年薨子恭王翼嗣立十四年薨子康王嗣無
後

趙孝王良光武叔父立十六年薨子節王栩嗣栩立四
十年薨子頃王商立二十三年薨子靖王宏立十二年
薨子惠王乾嗣乾立四十八年薨子懷王豫嗣豫薨子
獻王叔嗣叔薨子珪嗣建安十八年徙封博陵王魏初

以為崇德侯

城陽恭王祉光武族兄春陵康侯敞之子建武十一年薨十三年封祉子平為蔡陽侯以奉祉祀平卒子真嗣真卒子禹嗣禹卒子嘉嗣

泗水王歙光武族父建武十年薨封小子燁為堂谿侯奉歙後淄川王終泗水王歙子歙薨終居喪思慕哭泣三十餘日亦薨封長子柱為卽侯以奉終祀

宜春侯匡泗水王歙從父弟建武二年封子浮嗣封朝

陽侯浮傳國至孫護無子封絕延光中護從兄瓌娶安
帝乳母王聖女伯榮為妻得紹護封為朝陽侯王聖敗
賤爵為亭侯

安城孝侯賜光武族兄建武二十八年卒子閔嗣閔卒
子商嗣徙封為白牛侯商卒子昌嗣

成武孝侯順光武族兄建武十一年卒子遵嗣以罪降
為端氏侯遵卒子弁嗣

順陽懷侯嘉光武族兄建武十五年卒子參嗣有罪削

為南鄉侯永平中參為城門校尉參卒子循嗣循卒子

章嗣

東海恭王彊光武子立十八年薨子靖王政嗣政立四

十四年薨子頃王肅嗣二十三年薨子孝王臻嗣臻立

三十一年薨子懿王祗嗣祗立四十四年薨子羨嗣

沛獻王輔光武子立四十六年薨子登王定嗣定立十

一年薨子節王正嗣立十四年薨子孝王廣嗣廣立三

十五年薨子幽王榮嗣榮立二十年薨子孝王琮嗣

琮薨子共王曜嗣曜薨子契嗣

楚王英光武子立三十三年以罪自殺元和三年追謚

楚厲侯子楚侯种嗣後徙封六侯

六縣名屬廬江郡

种卒子度

嗣度卒子拘嗣傳國于後

濟南安王康光武子立五十九年薨子簡王錯嗣錯立

六年薨子孝王香嗣香立二十年薨無子國絕永建元

年順帝立錯子阜陽侯顯為嗣是為釐王立三年薨子

悼王廣嗣

東平憲王蒼立四十五年薨子懷王忠嗣忠立十一年薨
子孝王啟嗣啟立四十八年薨子頊王端嗣端立四十
七年薨子凱嗣

任城孝王尚東平憲王子立十八年薨子貞王安嗣安
立十九年薨子節王崇嗣崇立三十一年薨無子國絕
延熹四年桓帝立河間孝王子博為任城王以奉其祀
博立十三年薨無子國絕熹平四年靈帝復立河間貞
王子新昌侯佗為任城王奉孝王後

阜陵質王延光武子立五十一年薨子殤王冲嗣冲立
二年薨無嗣和帝復封冲兄魴是爲頃王魴立三十年
薨子懷王恢嗣恢立十年薨子節王代嗣代立十四年
薨無子國絕建和元年桓帝立勃道亭侯便親爲恢嗣
是爲恭王立十三年薨子孝王統嗣立八年薨子赦嗣
廣陵思王荆光武子立二十九年以罪自殺封荆子元
壽爲廣陵侯服王璽綬食荆故國六縣元壽卒子商嗣
商卒子條嗣傳國於後

中山簡王馬光武子立五十二年薨子夷王憲嗣憲立
二十二年薨子孝王弘嗣弘立二十八年薨子穆王暢
嗣暢立三十四年薨子節王稚嗣

琅瑯孝王京光武子立三十一年薨子夷王宇嗣宇立
二十年薨子恭王壽嗣壽立十七年薨子貞王尊嗣尊
立十八年薨子安王據嗣據立四十七年薨子順王容嗣
容立八年薨建安十一年復立容子熙為王

陳敬王美明帝子立三十七年薨子思王鈞嗣鈞立二

十一年薨子懷王竦嗣竦立二年薨無子國絕永寧元年立敬王子安壽亭侯崇為陳王是為頃王立五年薨子孝王承嗣承薨子愍王寵嗣

彭城靖王恭明帝子立四十六年薨子孝王道嗣道立二十八年薨子頃王定嗣立四年薨子孝王和嗣和立六十四年薨孫祗嗣魏以為崇德侯

樂城靖王黨明帝子立二十五年薨子哀王崇嗣崇立二月薨無子國絕明年和帝立崇兄修侯巡為樂城王

是為釐王立十五年薨子隱王賓嗣立八年薨無子國
絕明年復立濟北惠王子萇為樂成王後萇到國驕淫不
法安帝貶萇爵為臨湖侯延光元年以河間孝王子得
嗣靖王後以樂成比廢絕故改國曰安平是為安平孝
王立三十年薨子續嗣

下邳惠王衍明帝子建初四年就國衍後病荒忽而太
子邛有罪廢諸姬爭欲立子為嗣連上書相告言和帝
憐之使彭城靖王恭至下邳正其嫡庶賜恭詔曰皇帝

問彭城王蓋聞堯親九族萬國協和書典之所美也下
邳王被病沉滯之疾昏亂不明家用不寧姬妾嫡庶諸
子分爭紛紛至今前太子邛頑凶失道陷于大辟是後
諸子更相誣告迄今嫡嗣未不知所定朕甚傷之惟王與
下邳王恩義至親正此國嗣非王而誰禮重適庶之序
春秋之義大居正孔子曰惟仁者能好人能惡人貴仁
者所好惡得其中也太子國之儲嗣可不慎歟王其差
次下邳諸子可為太子者上名將及景風拜授印綬焉

立五十四年薨子貞王成嗣成立二年薨子愍王意嗣
意立五十七年薨子哀王宜嗣

梁節王暢明帝子立二十七年薨子恭王堅嗣堅立二
十六年薨子懷王匡嗣匡立十一年薨無子順帝封其弟
孝陽亭侯成為梁王是為夷王立二十九年薨子敬王元
嗣立十六年薨子彌嗣立四十年魏受禪以為崇德侯
淮陽項王昺明帝子永平五年封常山王建初四年徙
封淮陽立十六年薨未及立嗣永元二年和帝立昺小

子惻復為常山王奉旽後是為殤王立十三年薨無子
立兄防子侯章為常山王立二十五年薨是為靖王子
頃王儀嗣儀立十七年薨子節王豹嗣豹立八年薨子
暲嗣

千乘貞王伉章帝子立十五年薨子寵嗣永元七年改
國名樂安立二十八年薨是為夷王子鴻嗣鴻生質帝

質帝立梁太后下詔以樂安國土卑濕租委鮮薄

委謂
委輸

也改鴻封勃海王立二十六年薨是為孝王無子太后

立桓帝弟蠡吾侯悝為勃海王奉鴻嗣

悝蠡吾侯翼子河間王開孫也

清河孝王慶章帝子立二十五年薨子愍王虎威嗣虎

威三年薨亦無子鄧太后復立樂安王寵子延平為清

河王是為恭王

寵即千乘王伉之子

立三十五年薨子蒜立三年

以罪貶尉氏侯自殺國絕明年梁太后立安平孝王子

經侯理為甘陵王

梁冀惡清河名改為甘陵

奉孝德皇祀

初孝王慶子祐為郎

太后所立是為安帝帝乃追尊孝王為孝德皇

是為威王理立二十五年薨子

貞王定嗣定立四年薨子獻王忠嗣

濟北惠王壽章帝子立三十一年薨子節王登嗣登立十

五年薨子哀王多嗣多立三年薨無子永和四年立戰

鄉侯安國為濟北王

臣欽若等曰節王登弟五人皆為鄉侯安國疑其一也

是為

登王安國立十年薨子孝王次嗣次立七年薨子鸞嗣

鸞薨子政嗣

河間孝王開章帝子立四十二年薨子惠王政嗣政立

十年薨子貞王建嗣建立十年薨子安王利嗣利立二

十八年薨子陔嗣陔立四十一年魏受禪以為崇德侯

蠡吾侯翼河間孝王子翼卒子志嗣後為大將軍梁翼
所立是為桓帝梁太后詔追尊蠡吾先侯曰孝崇皇建
和二年封帝兄都鄉侯碩為平原王奉翼後

解濟亭侯淑河間孝王子淑卒子長嗣長卒子宏嗣為
大將軍竇武所立是為靈帝竇太后詔追尊皇祖淑為
孝元皇皇考長為孝仁皇熹平三年拜河間安王利子
康為濟南王奉孝仁皇祀康薨子贇嗣贇為黃巾賊所
害子開嗣魏受禪以為崇德侯

平原懷王勝和帝長子立八年薨無子鄧太后立樂安
夷王寵子得為平原王奉勝後是為哀王得立六年薨
無子永寧元年太后又立河間王開子都鄉侯翼為平

原王嗣

魏陳忠侯仁太祖從弟黃初四年薨子恭嗣轉封寧陵
侯恭薨子初嗣

高陵亭威侯純陳忠侯弟建安十五年薨子演嗣正元
中進封平樂鄉侯演薨子亮嗣

樂城恭侯洪太祖從弟太和六年薨子馥嗣

長平壯侯休太祖族子太和二年薨子肇嗣肇正始中薨

子興嗣

邵陵元侯真太祖族子明帝時薨子爽嗣爽誅嘉平中

紹功臣世封真族孫熙為新昌亭侯邑三百戶以奉真後

任城威王彰太祖子黃初四年薨子楷嗣徙封中牟五

年改封任城縣太和六年復改封任城國

陳思王植太祖子植薨子志嗣徙封濟北王

蕭懷王熊太祖子早薨青龍二年子哀王炳嗣

豐愍王昂太祖子隨太祖南征為張繡所害無子黃初二
年追封謚曰豐悼公三年以樊安公均子琬奉昂後封
中都公其年徙封長子公五年追加昂號曰豐悼王太
和三年改昂謚曰愍王嘉平六年以琬襲昂爵為曹王
琬薨謚曰恭王子庶嗣

相殤王鑠太祖子早薨太和三年追封謚青龍元年子
愍王潛嗣其年薨二年子懷王偃嗣四年薨無子國除

正元二年以樂陵王茂子陽都鄉公竦繼鑠後

鄧哀王冲太祖子建安十三年薨命宛侯據子琮奉冲
後二十二年封琮鄧侯黃初三年進琮爵徙封冠軍公
四年徙封巴氏公

沛穆王林太祖子林薨子綿嗣

中山恭王袞太祖子青龍三年薨子孚嗣

濟陽懷王珽太祖子建安十六年封西鄉侯早薨無子
二十年以沛王林子贊襲珽爵邑贊早薨無子文帝復

以贊弟壹紹珪後黃初二年改封濟陽侯四年進爵為
公太和四年追進珪爵謚曰懷公六年又進號曰懷王
追謚贊曰西鄉哀侯壹薨謚曰悼公子恒嗣

陳留恭王峻太祖子甘露四年薨子澳嗣

范陽閔王矩太祖子早薨無子建安二十二年以樊安
公均子敏奉矩後太和六年改封敏琅邪王景元中敏薨
謚曰原王子焜嗣

楚王彪太祖子嘉平元年以罪自殺封彪子嘉為常山

真定王

郟戴公整太祖子奉從叔父郎中紹後建安二十二年封郟侯二十三年薨無子黃初二年追進爵謚曰戴公以彭城王據子範奉整後三年封平氏侯四年徙封成武太和三年進爵為公青龍三年薨謚曰悼公無後四年詔以範弟東安鄉公闡為郟公奉整後

樊安公均太祖子奉叔父薊恭公彬後建安二十二年封樊侯二十四年薨子抗嗣黃初二年追進公爵謚曰

樊安公三年徙封抗薊公四年徙封屯留公景初元年
薨謚曰定公子諱嗣

東平靈王徽太祖子奉叔父朗陵哀侯王後正始三年
薨子翕嗣

贊哀王協文帝子早薨太和五年追封謚曰經殤公青
龍二年更追改號謚三年子殤王尋嗣

北海悼王蕤文帝子青龍元年薨二年以琅邪王子贊
奉蕤後封昌鄉公景初二年立為饒安王

東海定王霖文帝子嘉平元年薨子啓嗣

元城哀王禮文帝子太和三年薨五年以任城王楷子
悌嗣禮後六年改封梁王

邯鄲懷王邕文帝子太和三年薨五年以任城王楷子
溫嗣邕後六年改封魯陽

蜀安平悼王理後主庶弟延熙七年卒子哀王胤嗣十
九年卒子殤王承嗣二十年卒景耀四年詔曰安平王
先帝所命三世早夭國嗣頽絕朕用傷悼其以武邑侯

輯襲王位輯理子也

吳沙羨侯奐堅弟靜之子嘉禾三年卒子承嗣以昭武
中郎將代統兵領郡赤烏六年卒無子封承庶弟壹奉
奐後

丹陽侯肩奐兄皎之子皎為征虜將軍建安二十四年
卒追錄其功封肩肩卒無子弟晞嗣

都亭侯賁堅兄子為征虜將軍豫章太守在官十一年

卒子鄰年九歲代領豫章進封都鄉侯

鄰字公達雅性
精敏幼有令譽

赤烏十二年卒子苗嗣

晉安平獻王孚宣帝次弟也世子邕先孚卒邕子崇為
世孫又早夭泰始九年立崇弟平陽亭侯隆為安平王
義陽成王望安平獻王子出繼伯父朗泰始七年薨子
奕早亡以奕子竒襲爵竒好蓄聚太康九年貶為三縱
亭侯更以章武王威河間平王洪子為望嗣後威誅復立竒為
棘陽王以嗣望

河間平王洪義陽成王子出繼叔父昌武亭侯遺仕魏

歷位典農中郎將原武太守封襄賁男武帝受禪封河
間王立十二年咸寧二年薨子威嗣徙封章武威既繼
義陽王望更立威弟混為洪嗣混小子滔初嗣新蔡王
確與新蔡太妃不協太興二年上疏以兄弟並沒在遼
東章武國絕宜還所生太妃訟之事下太常太常賀循
議章武新蔡俱承一國不絕之統義不得替其本宗而
先後傍親案滔既已被命為人後矣必須無復兄弟本國
永絕然後得還所生今兄弟在遠不得言無道里雖阻

復非絕域且鮮卑恭命信使不絕自宜詔下遼東依劉
羣盧諶等例發遣令還繼嗣本封謂滔今未得便委離
所後也元帝詔曰滔雖出養自有所生母新蔡太妃
相待甚薄滔執意如此如其不聽終當紛紜更為不可
今便順其所執還襲章武滔歷位散騎常侍薨子休嗣
休與彭城王雄俱奔蘇峻蘇峻平休已戰死弟珍時年
八歲以小弗坐咸和六年襲爵位至太宗正薨無
嗣河間王欽以子範之繼位至遊擊大將軍薨子秀嗣

隨穆王整義陽成王子兄奕卒以整為世子歷南中郎將封清泉侯先父望薨武帝以義陽國一縣追封為隨縣王子邁嗣太康九年以義陽之平林益邁為隨郡王太原成王輔安平獻王子輔薨子鐸立

南宮縣王翼安平獻王子武帝末受禪而卒以兄邕之支子承為嗣封南宮縣王承薨子祐嗣

下邳獻王晃安平獻王子咸寧六年薨二子褒綽褒卒綽有篤疾別封良城縣王以太原王輔第三子韡為嗣

官至侍中尚書早薨子韶立

太原烈王瓌安平獻王子泰始十年薨子顥立徙封河
間王

河間王顥太原烈王子永嘉初為南陽王模所害詔以
彭城元王植子融為顥嗣改封樂城縣王薨無子建興
中元帝又以彭城康王釋子欽為融嗣

高陽王珪安平獻王子泰始十年薨珪有美譽於世而
帝甚悼惜之無子詔以太原王輔子緝襲爵緝立五年

咸寧四年薨謚曰哀無子太康二年詔以太原王瓌世子顓子訟為緝後

常山孝王衡安平獻王子泰始二年薨無子以安平世子邕第四子敦為嗣

沛順王景安平獻王子咸寧元年薨子韜立

彭城穆王權宣帝弟馗之子咸寧二年薨子元王植立
植薨子康王釋立釋薨子雄立坐奔蘇峻伏誅更以釋
子紘嗣紘薨子玄嗣玄薨子弘之立位至散騎常侍薨

子卽立卽薨子崇之立崇之薨子緝之立

高密文獻王泰宣帝弟馗之子元康九年薨子略立永嘉三年薨子據立薨無子以彭城康王子紘為嗣其後紘歸本宗立紘子俊以奉其嗣俊薨子敬王純之立純之薨子恢之立

東海孝獻王越高密文獻王子元帝時以越世子毗沒於石勒不知存亡帝乃以第三子冲繼毗後稱東海世子以毗陵郡增本封邑萬戶又改食下邳蘭陵以越妃

裴氏為太妃薨因發毗喪冲即王位以滎陽益東海國
轉車騎將軍徙驃騎將軍咸康七年薨年三十一贈侍
中驃騎大將軍儀同三司無子咸帝詔曰哀王無嗣國
統將絕朕所哀怛其以小晚生奕繼哀王為東海王以
道遠罷滎陽更以臨川郡益東海及哀帝以琅邪王即
尊位徙奕為琅邪王東海國闕無嗣奕後入纂大業桓
溫廢之復為東海王既而賤為海西公東海國又闕嗣
隆安三年安帝詔以會稽忠王次子彥璋為東海王繼

哀王為魯孫改食吳興郡為桓玄所害國除

新蔡武哀王騰高密文獻王子騰以戰死庶子確立是為莊王確無子初以章武王濞子滔奉其祀其後復以汝南威王祐子弼為確後太興元年薨無子又以弼弟邈嗣確位至侍中薨子晃立拜散騎侍郎桓溫廢武陵王免晃為庶人徙衡陽孝武帝立晃弟崇繼邈後

范陽康王綏宣帝弟馯之子咸寧五年薨子馯立馯薨無子養南陽王模子黎為嗣

濟南惠王遂宣帝弟恂之子泰始二年薨二子眈緝眈
嗣濟南惠王立咸寧三年徙為中山王是年薨無子緝

繼

譙剛王遜字子悌宣帝弟進之子泰始二年薨子定王
隨立隨薨子邃立沒於石勒元帝以遜次子承嗣是為
閔王承為王廙所害子無忌立是為烈王無忌永和六
年薨二子恬愔恬立是為敬王太元十五年薨子尚之立
是為忠王為桓玄所害玄上䟽以閔王不宜絕祀乃更

封尚之從弟康之為譙縣王安帝反正追贈尚之衛將軍以尚之弟休之長子文思為尚之嗣襲封譙郡王廣晉伯愔譙烈王子早卒無子兄恬以子允之嗣

高陽王睦譙剛王弟元康元年薨世子蔚早卒孫毅立永嘉中沒於石勒隆安元年詔以譙敬王恬次子恢之子文深繼毅後立五年薨無嗣復以高密王純之子法連繼之

任城景王陵字子山宣帝弟通之子咸寧五年薨子濟

立

西河繆王斌任城景王子咸寧四年薨子隱立隱薨子

香

音燭
多貌

立

平原王幹字子良宣帝子永嘉五年薨有二子世子廣
早卒次子永以太熙中封安德縣公

琅琊武王伷宣帝子太康四年薨子恭王覲立覲拜冗
從僕射太熙元年薨時年三十五子睿立是為元帝太
興初帝以皇子裒為琅琊王奉恭王祀裒早薨子哀王

安國立未踰年薨更以皇子煥為琅邪王初煥封顯義
亭侯尚書令刁協奏昔魏臨苗侯以邢顒為家丞劉禎
為庶子今侯幼弱宜選明德帝令曰臨苗萬戶封又植
少有美才能同遊田蘇者今晚生滕弱何論於此間封
此兒不以寵稚子也亡弟當應繼嗣不獲已耳家丞庶
子足以攝祀而已豈宜屈賢才以受無用乎及煥疾篤
乃下詔封為琅琊王嗣恭王後俄而薨年二歲以皇子
昱為琅邪王咸和之初既徙封會稽成帝又以康帝為

琅邪王康帝即位封成帝長子哀帝為琅邪王哀帝即位以廢帝為琅邪王廢帝即位以會稽王攝行琅邪國祀簡文帝登祚琅邪王無嗣帝封少子道子為琅邪王道子後為會稽王更以恭帝為琅邪王帝既即位琅邪國除

武陵莊王澹琅邪武王子永嘉末為石勒所害子哀王喆立喆無子其後元帝立皇子晞為武陵王以奉澹祀晞為桓溫所廢太元六年卒十二年追封武陵王子忠敬

王遵嗣義熙四年薨子定王季度立拜散騎侍郎薨子
球之立

東安王繇琅邪武王子永康中為成都王穎所害後立
琅邪王覲子長樂亭侯渾為東安王以奉繇祀

淮陵元王漣琅邪武王子為宗正薨子貞王融立融薨
無子安帝時立武陵威王孫蘊為淮陵王以奉元王之
祀位至散騎常侍薨無子以臨川王寶子安之為嗣

清惠亭侯京宣帝子年二十四薨以文帝子機為嗣泰

始元年封燕王機無子齊王罔表以子幾嗣

扶風武王駿宣帝子駿薨子暢嗣改封順陽王

新野莊王歆扶風武王子為張昌所害無子以兄子劭
為後

汝南文成王亮宣帝子惠帝時趙王瑋矯詔誅亮及其世
子矩俱為亂兵所害瑋誅追復亮爵謚矩為懷王子祐
立是為威王祐咸和元年薨子恭王統立以南頓王宗
謀反被廢其後成帝哀亮一門殄絕詔統復封統薨子

義立義薨子遵之立以罪伏誅弟楷之子蓮扶立

梁孝王彤宣帝子永康二年薨無子以武陵王濬子禧
為後是為懷王沒於石勒元帝時以西陽王羨子悝為
彤嗣悝早薨是為殤王至是懷王子翹自石氏歸國得
立是為聲王官至散騎常侍薨無子詔以武陵威王子
珪為翹嗣歷永安太僕與父晞俱廢徙新安薨太元中
復國子穌立薨子珍之立

齊獻王攸文帝子景帝無子命攸為嗣徙封武陽侯後

改安昌武帝踐祚封齊王攸薨子罔嗣罔誅永興初詔以齊王罔輕陷重刑前勲不宜埋沒乃赦其三子超沐英還第封超為縣王以繼罔祀及雒陽傾覆超兄弟皆沒于劉聰罔遂無後太元中詔以故南頓王宗子柔之襲封齊王紹攸罔之祀

城陽哀王兆文帝子年十歲而天武帝踐祚詔曰亡弟千秋少聰慧有夙成之質不幸早亡先帝先后特所哀愍先后欲紹立其後而竟未遂每追遺意情懷感傷其

以皇子景度為千秋後雖非典禮亦近世之所行且以
述先后本旨也於是追加兆封謚景度以泰始六年薨
復以第五子憲繼哀王後薨復以第六子祗為東海王
繼哀王後薨咸寧初又封第十三子遐為清河王以繼
兆後

遼東悼惠王定國文帝子年三歲薨咸寧初追加封謚
齊王攸以長子彘為嗣彘薨子遵嗣

廣漢殤王廣德文帝子年二歲薨咸寧初追加封謚齊

王攸以子贊紹封贊薨攸更以子實嗣廣德後

樂安平王鑒文帝子元康七年薨子殤王籍立籍薨無子齊王罔以子冰紹鑒後以濟陰萬一千二百一十九戶改為廣陽國立冰為廣陽王

楚隱王瑋武帝子以罪誅永寧元年封其子範為襄陽王

長沙厲王乂武帝子後被誅永安元年詔長沙王乂輕陷重刑封其子紹為樂平縣王以奉其嗣永嘉中懷帝

以又子碩嗣

成都王頴字章度武帝子以罪謫永嘉中立東萊王綦子遵為頴嗣封華容縣王

毗陵悼王軌武帝子二歲而夭太康十年追加封謚以楚王瑋子義嗣

秦獻王東武帝子元康元年薨無子以淮南王允子郁為嗣郁與允俱被害永寧二年追謚曰悼又以吳王晏子鄴嗣

始平哀王裕武帝子咸寧三年薨年七歲無子以淮南王允子迪為嗣太康十年改封漢王

淮南忠壯王允武帝子為趙王倫子虔所害允三子皆被害齊王同上表以息超繼允後同敗超被幽金墉城後更以吳王晏子祥為嗣

代哀王演武帝子演薨無子以成都王穎子廓為嗣改封中都王

清河康王遐武帝子永康元年薨子覃嗣覃為皇太子

以弟新蔡王籙還封清河王

會稽思世子道生字延長簡文之子也以幽廢卒無後及孝武帝即位嘗晝見道生及臨川獻王郁郁曰大郎饑乏辛苦言竟不見帝傷感因以西陽王萊玄孫珣之為後

臨川獻王郁簡文子年十七薨寧康初追封郡王以武陵威王曾孫寶為嗣

會稽文孝王道子簡文子出後瑯邪孝王及恭帝為瑯邪

王道子受封會稽國後為桓玄所害義熙元年以臨川
王寶子修之為道子嗣是為悼王

冊府元龜卷二百八十三

欽定四庫全書

冊府元龜卷二百八十四 宋 王欽若等 撰

宗室部

承襲第三

宋長沙景王道憐高祖中弟也永初三年薨子成王義
欣嗣元嘉十六年薨子悼王瑾嗣瑾為元凶所殺瑾子
粲早夭粲弟纂嗣

桂陽恭侯義融長沙景王子元嘉十八年卒子孝侯覬

金史卷一百八十四
嗣覲為元凶所殺無子弟襲以子晃繼封

臨澧忠侯襲桂陽恭侯子泰始六年卒於中護軍子旻
嗣昇明二年改封東昌縣侯

新喻惠侯義宗長沙景王子元嘉二十一年卒子懷侯
玠嗣為元凶所殺無子弟秉以子承繼封

興安惠侯義賓長沙景王子元嘉二十五年卒子惠侯
綜嗣綜卒子憲嗣

營道僖侯義纂長沙景王少子建元二年卒子長猷嗣

臨川烈武王道規高祖少弟義熙八年薨無子以長沙
景王第二子義慶為嗣是為康王初太祖少為道規所
養高祖命紹焉咸以禮無二繼太祖還本而定義慶為
荊州廟主當隨往江陵義慶幼為高祖所知嘗曰此我
家豐城也年十三襲封南郡公永初元年襲封臨川王
元嘉二十一年薨子哀王煜嗣為元凶所殺子綽嗣

廬陵孝獻王義真高祖子景平二年罪誅無子太祖以
第五子紹為嗣元嘉九年襲封紹無子以南平王鐸第

三子敬先嗣是為恭王無子泰始元年以世祖第二十
一子晉熙王子與為紹嗣封廬陵王未拜為太宗所殺
後更以桂陽王休範第二子德嗣紹元徽二年與休範
俱伏誅國復絕三年復以臨澧忠侯襲第三子嵩繼紹
是為元王

彭城王義康高祖子元嘉二十八年賜死于泉陵侯允
等為元凶所殺永光元年太宰江夏王義恭表曰臣聞
忝祖遠支猶或慮親降霜省序義重令戚故嚴道疾

終嗣啓方宇阜陵愆屏身運晚恩竊惟故庶人劉義康
昔昧姦回自貽非命沈魂漏籍垂誠來典運革三朝歲
盈三紀天地改朔日月再升陶形賦氣咸蒙更始義康
妻息漂沒早違盛化衆女孤弱永淪黔首即情原釁本
非已招感事哀筑俯增傷咽敢緣陛下聖化融泰春澤
覃被慈育羣生仁被泉草實希洗宥還齒帝宗則施
及陳根榮加幽壤臣特憑國私冒以誠表塵觸靈威伏
紙悲悽詔曰太宰表如此公緣情追遠覽以增懷昔淮

楚推恩胙流支肩抑法引親古今成準便以公表付外
依旨奉行故泉陵侯允橫罹凶虐可特為置後

江夏文獻王義恭世子獻為元凶所害孝武大明二年
以第四子子綏繼封食邑二千戶追謚獻曰宣王子綏
死後太宗以第八子躋繼義恭為孫封江夏王食邑五
千戶

南豐王朗江夏文獻王子長子為元凶所害孝建元年
以宗室祇長子歆繼封祇伏誅歆還泰始三年更以宗

室韞第二子銑繼封與韞俱死順帝昇明二年復以宗室琨子績繼封

衡陽文王義季高祖子元嘉二十四年薨子恭王嶷嗣
大明七年薨子伯道嗣

南平穆王鑠文帝子孝武即位初薨子敬猷嗣為前廢帝所殺太宗即位追贈敬猷侍中謚曰懷改封孝王武帝第十八子臨賀王子產為南平王繼鑠後未拜被殺
恭始五年立晉平王休祐第七子宣曜為南平王繼鑠

後宣曜被廢還本後廢帝元徽元年立衡陽恭王嶷弟
二子伯玉為南平王繼鑠後

建平宣簡王宏文帝子大明二年薨子景素先以罪伏
誅孝武封長沙成王義欣子勰第三子恬為秭歸侯食
邑千戶繼宏後

晉熙王昶文帝子景和中被害二子長曰思遠次曰懷
遠尋並卒泰始六年以第六皇子燮繼昶封為晉熙王
始安王休仁文帝子泰始六年遇害子伯融廢徙丹陽

縣後廢帝元徽元年還京邑襲封

鄱陽哀王休業文帝子孝建三年薨大明六年以山陽王休祐次子士弘嗣封

臨慶冲王休倩文帝子孝建元年始九歲封東平王未拜薨大明七年立第二十七皇子子嗣為東平王紹休倩後太宗泰始二年還本國絕六年以第五皇子智丹為東平王繼休倩未拜薨其年追改休倩為臨慶王以臨賀郡為臨慶國立第八皇子躋為臨慶王食邑二千戶

繼休倩後明年還本國太祖所愛故前後屢加紹門嗣
巴陵哀王休若文帝子恭始七年賜死子冲襲封

始平孝敬王子鸞孝武帝子為前廢帝所害明帝即位
詔以建平王景素息延年為嗣追改子鸞封為始平王
食邑千戶延年恭始四年薨時年四歲謚曰冲王明年
復以長江王篡子延之為始平王紹子鸞後

武陵王贊明帝子恭始六年生其年詔曰世祖孝武皇
帝雖恃尊墮惠勲狹政弛樂飲無饜事因於寧恭任威

縱費義緣於務寡故以積怨動天流殃胤嗣景和肇釁
義嘉成禍世祖繼體陷憲無遺昔皇家中圯舍生懼滅
賴英孝感奮掃雪寃恥勲績墜歷拯茲窮氓繼絕追遠
禮訓攸尚况既帝且凡而缺斯典今以第九子智隨奉
世祖為子武陵郡大明之世事均代邦可封智隨武陵
王食邑五千戶尋世祖一門女累不少既無釐總義須
防閑諸侯雖不得祖稱天子而事有一家之切且歸寧
有所疚疾相營得失是任閨房有稟朕應天在位恩深

九族庶此足申追睦之懷敷愛之旨

南齊衡陽元王道度太祖長兄卒於宋世建元元年追
加封謚無子太祖以第十一子鈞繼道度後隆昌元年
遇害明帝即位以永陽王子珉仍本國繼元王為孫子
珉世祖第二十子永泰元年見害年十四復以武陵昭
王暕第三子子坦奉元王後

曲江康公遙欣衡陽元王子宣帝兄西平太守奉之無
後以遙欣繼為曾孫建武元年封聞喜縣公尋改封曲

江公

始安貞王道生太祖次兄宋世卒建元元年封謚長子
鳳早卒明帝建武元年追封始安王謚曰靖子遙光嗣
遙光生有癡疾太祖謂不堪奉拜祭祀欲封其弟世祖
諫乃以遙光襲爵遙光反誅以江陵公寶覽為始安王
奉靖王後安陸昭王緬始安貞王子初封安陸侯建武
元年追封安陸王子寶暉嗣永元元年以安陸郡邊魏
改封湘東王

南豐懿伯赤斧太祖從祖弟武帝時卒于家子穎胄襲爵豫章

文獻王嶷太祖第二子武帝時薨世子子廉早卒子元琳嗣

竟陵王子良世祖子隆昌中薨子昭胄嗣

梁長沙宣武王懿高祖長兄天監元年追封子元王業襲封業薨子章王孝儼嗣儼薨子睿嗣

永陽昭王敷高祖次兄天監元年追封子恭王伯游嗣

衡陽宣王暢高祖弟天監元年追封子孝王元簡襲封
十八年卒子俊嗣

桂陽簡王融高祖次弟天監元年追封無子詔以長沙
宣武王第九子象嗣襲封爵是為敦王大同二年薨子

慆嗣

臨川靖惠王宏高祖弟普通七年薨子正仁早卒謚曰
哀世子無子高祖詔宏子羅平侯正立為世子繇宏意
也宏薨正立表讓長兄正義為嗣高祖嘉而許之封正

立千戶侯

建安敏侯正立臨川靖惠王子薨子貴嗣

安成康王秀高祖弟普通元年薨世子機嗣是為煬王

機薨子操嗣後梁文宣踐位復以機子欣襲封

南平元襄王偉高祖弟大通四年薨世子恪嗣是為靖

節王

鄱陽忠烈王恢高祖弟普通七年薨世子範嗣

始興忠武王憺高祖弟普通三年薨長子亮嗣

吳平忠侯景高祖從父弟天監末卒于揚州刺史子光侯勵嗣

南康簡王績高祖子大通三年薨子會理嗣

廬陵威王續高祖子大同二年薨子安嗣

豫章安王懼昭明太子長子大通三年封位江州刺史薨子棟嗣

陳始興昭烈王道談高祖兄即位初追封道談有二子禧為文帝項為宣帝高祖以宣帝襲封及文帝入纂時宣帝

在周末還帝以本宗乏饗其年十月下詔曰日者皇基肇建封樹枝戚朕親地攸在特啓大邦弟頊嗣承門祀雖土宇開建薦饗莫繇重以遭家不造閔凶夙遘儲貳遐隔轉車未反俛以眇身膺茲景命式循龜鼎冰谷載懷今既入奉大宗事絕藩裸始興國廟蒸嘗無主瞻言霜露感尋慟絕其徙封嗣王頊為安成王封第二子伯茂為始興王以奉昭烈王祀賜天下為父後者爵一級庶申罔極之情永保山河之祚光大二年以罪誅後主太

建元年立弟叔敦為始興王奉昭烈王祀

永脩定侯擬高祖從子天嘉元年卒子黨嗣

遂興侯詳高祖從子天嘉五年戰死子正理嗣

衡陽獻王昌高祖子天嘉元年自長安還都渡江船壞而卒無子文帝以第七皇子伯信為嗣

南康愍王曇朗高祖母弟忠壯王休先之子曇朗為質於齊天嘉元年詔曰南康王曇朗出隔齊庭反身莫測園廟方脩奠饗須主可以長男方泰為南康世子繼南

康王後及聞曇朗薨於是襲封

衡陽獻王昌高祖子初與宣帝俱遷長安天嘉元年自

周還朝於道薨其年文帝立第七皇子信為衡陽王奉

獻王祀

桂陽王伯謀文帝子至德元年薨子鄴嗣

河東康簡王叔獻宣帝子太建十二年薨子孝寬嗣

後魏上谷公紇羅神元帝曾孫紇羅卒子題賜爵襄城

公後進爵為王題卒子悉襲降爵為襄陽公

高涼神武王孤平文帝子孤薨子斤失職斤子真樂頗
有戰功後襲祖封明元初改封平陽王薨子禮襲本爵
高涼王禮薨謚懿王子那襲坐事伏法獻文即位追那
功命子紇紹封紇薨子大曹孝文時改封太原郡公卒
無子國除宣武又以大曹從兄子洪威紹

松滋侯度高涼神武王孫度卒子乙斤襲爵襄陽侯乙
斤卒子平襲世爵松滋侯以軍功賜艾陵男卒子長孝
文時襲爵松滋侯例降侯賜艾陵伯長卒子華襲爵後與

弟子思俱賜死長弟珍字金省襲爵艾陵男

上黨王天穆松滋侯平子天穆卒子儼襲

西河公敦平文帝曾孫敦卒子撥襲

河間宣公興都平文帝之後興都卒子提襲父侯爵

河間敬公齊烈帝之玄孫齊卒長子陵襲爵

文安公泥國之踈族泥卒子屈襲

衛王儀秦明王翰子道武時賜死子良明元時追錄儀

功封南陽王以紹儀後

陰平熹王烈衛王儀弟明元時薨子裘襲

秦愍王觚陰平王烈弟道武時追謚封子夔為豫章王
以紹觚

常山王遵昭成帝孫天賜四年坐醉亂失禮賜死葬以
庶人禮子素明元從母所生特見親寵太武初復襲爵
是為康王

暨陽子可悉陵常山康王子可悉陵卒弟陪斤襲

城陽宣公忠常山康王子忠卒子盛襲爵

河間公德常山康王子卒於鎮南將軍德子

王欽若等曰失記其

名卒於光州刺史謚曰恭子寔薨於瀛州刺史謚曰靖懿

忠子暉襲謚曰文憲

陳留桓王虔昭成帝孫道武時追封又封其子悅為朱提王悅賜死太武詔弟崇令襲桓王爵是為景王崇薨子建襲

蒲城侯覬昭成帝孫太武時卒子崙襲爵以功進封隴

西公卒謚定公子琛襲爵

武遂子拔干昭成帝曾孫拔干卒子受洛襲進爵武邑公

彭城公勃昭成帝孫勃卒長子栗襲

陽豐公庫汗彭城公孫庫汗卒子古辰襲

陽平王熙道武子秦常六年薨長子靖王他襲他薨世子吐萬早卒吐萬子僖王顯襲祖爵薨子康王世遵襲孝昌元年薨子敬先襲敬先為元顥所害子宣洪襲

牂牁公比陵陽平王熙子為安遠將軍卒子天瑒襲卒

子延伯襲

河南王曜道武子泰常七年薨長子提太武時襲改封
潁川王後改封武昌太安元年薨年四十七謚曰成王
長子平原襲爵卒謚曰簡王平原有五子長子和為沙
門捨其子顯以爵讓其次弟鑿鑿固辭詔許鑿身終之
後令顯襲爵鑿乃受之鑿薨之後和與鑿子伯宗競求
承襲尚書令高肇奏和太和中出為沙門讓爵於鑿鑿
後以和子顯年在弱冠宜承基緒求遜王爵以歸正裔

先朝詔終鑒身聽如其請鑒既薨逝和求襲封謹尋詔
旨聽傳子顯不許其身和先讓後求有乖道素請令伯
宗承襲宣武詔曰和初以讓鑒而鑒還讓其子交讓之
道於是乎著其子早終可聽和襲和正光四年薨子謙
襲莊帝初遇害子琴襲

河間王脩道武子泰常元年薨無子太武詔河南王曜
子羯兒襲脩爵改封略陽

廣平王連道武子始光四年薨無子太武以陽平王熙

第二子渾為南平王以繼連後渾太和十一年從駕巡
方山道薨子飛龍襲後賜名霄太和十七年薨謚曰安王
子纂襲景明元年薨於平城子伯和襲永平三年薨謚
曰哀王伯和無子以弟文華子仲固襲王封後為蕭寶
寅所害謚曰武真子承宗襲早卒以纂弟安平子仲略

繼

京兆王黎道武子神麈元年薨子根襲改封江陽王薨
無子獻文以南平王霄第二子繼為根後繼襲封江陽王

永安二年薨謚曰武烈長子义以罪死义子亮襲祖爵
樂平戾王丕明元子後坐事以憂薨子拔襲爵

樂安王範明元子後坐事暴薨長子簡王良文成時襲
王爵

永昌莊王健明元子健薨子仁襲

東平王翰太武子翰為宗愛所害子道符襲爵

臨淮宣王譚太武子譚薨子提襲提以貪縱削除卒孝
文時追封長鄉侯宣武時謚曰懿提子昌復封臨淮王

未拜而薨謚康王追改封濟南王其子或紹封或薨謚
丈穆王無子弟孝友襲爵

廣陽簡王建閭太武子建閭薨子哀王石侯襲石侯薨子定
王遣興襲無子石侯弟懿烈王嘉襲嘉薨子忠武王深
襲爵深為諸葛榮所害子文獻王湛襲封湛薨子法輪
坐叔父瑾謀殺齊文襄事泄合門伏法齊王矜湛覆滅
乃啓原之復其爵土

陽平幽王新成景穆長子新成薨長子安壽襲爵孝文

賜名順

義陽王子孝陽平幽王子後降為公卒子贊嗣

京兆王子推景穆子薨子太興襲後為沙門太和二十二年終子昂襲薨子文王琮襲

汝陽王暹京兆王太興子仲景弟也孝靜時薨子冲襲濟陰惠王小新成景穆子薨子儁襲位以黷貨賜死爵除詔以儁弟偃子誕立為嫡孫特聽紹封是為靜王薨子撫襲先是儁長子弼以世嫡應襲先爵為季父尚書僕

射麗因于氏親寵遂奪弼王爵建義元年弼子暉業訴復王爵永安三年謚弼為文獻王初弼嘗夢人謂之曰君身不得傳世封其紹先爵者君長子紹遠也弼卒即語暉業終如其言

汝陰靈王天賜景穆子孝文時以罪削除及卒復本爵子威王逞嗣逞薨弟文王脩義嗣脩義薨子均入西魏封安昌王薨謚平王子則襲封

樂浪厲王萬壽景穆子以憂薨子康王樂平襲樂平薨

子長命襲坐殺人賜死子忠孝明時復前爵

廣平殤王雒侯景穆子和平二年薨無子後以陽平幽王第五子匡後之匡初為度支尚書表引樂陵章武之例求紹雒侯封詔付尚書議尚書奏聽襲封以明興絕之義後加鎮東將軍詔曰故廣平殤王雒侯體自恭宗茂年薨殞國除祀廢不祀忽諸匡親同若子私繼歲久宜樹維城永茲盤石可特襲王爵後改封東平郡王卒改濟南王第四子獻襲獻薨子祖育襲

任城康王雲景穆子雲薨長子文宣王澄太和中襲封
澄薨第四子文王彝襲彝卒子度世襲

高平剛侯嵩任城康王子為蒼頭李太白所害第二子
世儁襲爵除給事中薨子景遠襲

南安惠王楨景穆子楨薨子英改封中山王英累遷尚
書僕射薨謚獻武王次子熙好學有文才然輕躁浮動
英慮非保家之主嘗欲廢之立第四子畧為世子宗議
不聽畧又固請乃止延昌二年襲封時領軍于忠執政

熙忠之壻也驟遷平西將軍熙薨謚之曰文莊王長子
景獻次仲獻次叔獻並與熙同遇害叔獻弟叔仁以年
幼獲全襲先爵除征虜將軍後復遇害子琳襲熙弟誘
亦被誅子始伯襲誘弟畧為爾朱榮所害謚曰文貞子
景式襲略弟纂與熙俱死子獻襲

武邑王義興南安惠王子義興薨子述襲

城陽康王長壽景穆子長子多侯早卒次子鸞始繼叔
父章武敬王及兄卒還襲父爵鸞薨子徽宣武時襲封

後為爾朱兆所殺出帝初子延襲爵微兄顯死於晉陽
刺史子彥昭襲

章武敬王太維景穆諸子皇興二年薨無子孝文初以
南安惠王第二子彬為後襲爵彬卒長子融死王事子
景哲襲景哲弟朗即後廢帝子黃頭襲封安定王改封
安平王融弟凝永熙二年終安東將軍兗州刺史子彥
友襲武定中為光祿大夫凝弟湛位至少卿遇害子俊
襲

樂陵康王胡兒景穆子薨無子獻文詔胡兒兄汝陰王
天賜之第二子永全後之襲封後改名思譽正始四年
薨謚密王子景略宣武時襲封位至幽州刺史薨謚惠
王子霸襲

安定靖王休景穆子休薨長子安幼早卒次子燮襲燮
薨子超襲時以胡國珍封安定公改封北平王後復本
封遇害子孝景襲

安樂厲王長樂丈成子以罪賜死於家子詮襲詮薨謚

曰武康子鑒襲

廣川莊王畧文成子太和四年薨子諧襲諧薨謚曰剛子靈道襲

河間孝王若文成子年十六薨詔京兆康王子太安為後太安于若為從弟非相後之義廢之以齊郡王子琛繼安豐王猛獻文子太和中薨於營州刺史子延明襲

咸陽王禧獻文子以罪賜死正光中復禧王爵子坦襲改封敷城王永安初復本封咸陽郡王

趙郡靈王幹獻文子幹薨長子謚宣武初襲封謚薨謚
曰貞景子毓襲莊帝初遇害謚曰宣恭無子詔以謚弟
謙子寘為後襲爵

趙郡孝懿王湛靈王子莊帝初封魏郡王湛本年長應
襲王封其父靈王寵愛其弟謚以為世子莊帝詔復湛
封趙郡王薨子煒襲

廣陵惠王羽獻文子羽薨子恭襲

高陽文穆王雍獻文子雍與嫡子泰同時遇害泰子斌襲

秦兄安德縣公端與雍俱遇害子峻襲爵秦弟濟北郡
王叡與雍俱遇害子徽普泰中襲爵後坐謀逆伏法叡
弟誕封昌樂王薨謚曰文獻無子以斌第二子子亮為後
彭城武宣王勰獻文子勰薨嫡子劭襲莊帝時遇害子韶襲
劭兄子直為給事黃門侍郎靈太后詔曰故太師彭城武宣
王道隆德盛功高微管協契先朝導揚末命扶疴濟難
效漢北之誠送往奉居盡魯南之節宗社賴之以安皇
基絲之永固而謙光守約屢為增邑之賞辭多受少終

保初錫之封非所謂追舊報恩念勲酬德者也可以前
後所封戶別封三子為縣公食邑各一千戶庶以少慰
仁寬微申朝典子直封真定縣開國公以病卒子寬襲王爵
始平貞王子正與兄劬俱同時遇害子欽襲

北海平王詳獻文子詳薨子顥襲後遇害子娑羅襲

北齊趙郡貞王琛神武弟天平中薨子獻嗣獻遇害子

登信嗣

陳留文恭王惠寶神武弟早亡以清河王嶽第十子敬

文嗣

清河昭武王嶽神武從父弟天平中薨子勵嗣

廣平公盛神武從叔祖薨無子以兄子子瑗嗣天保初改封平昌王

長樂太守靈山神武族弟終於長樂太守子懿卒於武平鎮將無子文宣帝以靈山從父兄齊州刺史建國子伏護為靈山後伏護卒孫又襲

陽周武昭公永樂高祖兄子永樂卒無子從兄恩宗以

第二子緒為後襲爵天保初改封脩城郡王

永安簡平王浚神武子為文宣所殺至乾明元年贈太尉無子詔彭城王浹第二子淮嗣

平陽靖康王淹神武子河清三年薨子德素嗣

彭城景思王浹神武子河清三年遇害子寶德嗣位開府兼尚書左僕射

上黨剛肅王渙神武子為文宣帝所殺渙無嫡子庶長子寶嚴以河清二年襲位金紫光祿大夫開府儀同三

司

襄城景王清神武子天保二年薨無子詔以常山王演

第二子亮嗣

高陽康穆王湜神武子天保十年薨子士義襲爵

博陵文簡王濟神武子天統五年薨子智襲爵

馮翊王潤神武子潤薨子茂德嗣

漢陽敬王雒字敬延神武子天寶五年薨無子以任城

王第三子建德為後

河南康獻王孝瑜文襄子武成時薨子弘節嗣

河間王孝琬文襄子為文宣所殺子正禮嗣

太原王紹德文宣子為武成所殺武平元年詔以范陽王子辨才為後襲太原王

樂陵王百年孝昭子為武帝所害後主詔以襄城王子自澤襲爵樂陵

琅邪王儼武成子為後主所殺以平陽王淹孫世後嗣
後周邵惠公顥太祖長兄保定初追封長子什肥為北

齊神武所害追贈大冢宰襲爵郡公謚曰景

杞烈公連

一云簡公

邵惠公子魏末戰歿以章武公導子亮

嗣之亮初封襲爵累遷宗師中大夫卒詔以弟椿為烈公之後

虞國公仲太祖再從父保定中追封子興生值亂兵與仲相失又幼冲莫知其戚屬遠近高祖以莒莊公維嗣宋獻公震文帝子尚西魏文帝女薨無子以世宗第三子寔為嗣

隋義城縣公處綱高祖族父開皇初贈其父鍾葵為柱
國尚書令義城縣公以處綱襲焉

河間王行高祖從祖弟大業六年追封郇王子慶嗣

滕穆王瓚高祖母弟開皇十一年薨子綸嗣以罪徙朱
崖大業中弟詵襲封滕王以奉穆王嗣

道悼王靜滕穆王子出繼叔父嵩嵩在周代以太祖軍
功賜爵興城公早卒高祖踐位追封道王謚曰宣以靜
襲焉

衛昭王爽高祖異母弟開皇中薨子集初封遂安王尋

襲封衛王

秦孝王俊高祖子開皇二十年為妃崔氏所毒薨崔氏賜死二子浩湛不合承嗣煬帝即位以浩為秦王以奉

孝王嗣

蔡王智積高祖弟整之子整後周時戰死高祖受禪追封蔡王以智積襲焉

唐永安莊王孝基高祖從父弟武德二年戰歿無子以

從兄韶子道立為嗣封高平郡王

長平肅王叔良高祖從父弟叔良薨子孝協嗣

襄武王琛高祖從父兄子武德三年薨子儉嗣

河間元王孝恭襄武王弟貞觀十四年薨子崇義嗣

淮陽莊王道玄高祖從父兄子武德五年薨無子詔封其弟武都郡公道明為淮陽王令主道玄祀

衛懷王玄霸高祖子早薨無子武德元年追贈衛王四年封大宗子泰為宜都王以奉其祀泰後從封於越又

以宗室贈西平王瓊之子保定為嗣

巢刺王元吉高祖子以罪誅貞觀十六年追封以曹王
明為後

楚安王智雲高祖子武德元年追封無子三年以太宗
子寬為嗣寬薨貞觀二年復以濟南公世都子靈龜嗣
靈龜卒子福嗣

荆王元景高祖子永徽三年坐謀逆賜死後追封沉黎
王以渤海王奉慈子長沙為嗣降爵為侯神龍初追復

爵土并封其孫述為嗣荆王

徐王元禮高祖子咸亨三年薨子淮南王茂嗣茂以流
死振州神龍初封茂子瑄為嗣徐王瑄開元中卒子延
年嗣二十六年封嗣徐王後坐贓貶杭郡司馬卒永泰
元年女壻黔中觀察使趙國珍入朝請以延年子前施
州刺史諷為嗣因封嗣徐王

韓王元嘉高祖子以謀逆坐誅神龍初追復爵土并封
其第五子訥為嗣韓王開元十七年卒子叔璩為嗣韓

王

彭思王元則高祖子永徽二年薨無子以霍王元軌子
絢嗣龍朔中封南昌王子志暕神龍初封嗣彭王

鄭惠王元懿高祖子咸亨四年薨子敬上元初封為嗣
鄭王官至鄂州刺史神龍初又封敬嫡子希言為嗣鄭
王

霍王元軌高祖子垂拱四年坐謀逆與長子緒俱死神
龍初追復爵土封緒男暉為嗣霍王

毓莊王鳳高祖子上元元年薨子平陽郡王翼嗣官至
光州刺史永隆二年卒子寓嗣則天時失爵神龍初封
鳳嫡孫邕為嗣毓王邕開元十五年卒子巨嗣

道孝王元慶高祖子麟德元年薨子臨淮王誘嗣官至
澧州刺史永淳中坐贓削爵次子詢壽州刺史詢子微
神龍初封為嗣道王景雲元年卒子諫開元二十五年
襲封嗣道王

鄧康王元裕高祖子麟德二年薨無子以弟江王元詳

金史卷一百八十四
卷二百八十四
子廣平公昺嗣神龍初封昺子孝先為鄧王景龍四年
制尚乘奉御事伯潛繼鄧王元裕後

舒王元名高祖子永昌中與子亶俱遇害封亶子津為
嗣舒王開元中卒子萬嗣天寶二年卒子藻嗣天寶九
載封嗣舒王建中元年九月改封嗣鄧王

魯王靈蕩高祖子永徽四年以罪自殺有二子長子誥
封清河王少子藹封范陽王為酷吏所陷神龍初封藹
子道堅為嗣魯王道堅卒子宇嗣寶應元年皇太子封

為魯王改字為嗣鄒王宇薨子萃嗣

江安王元祥高祖子永隆元年薨中興初以元祥子鉅鹿郡公晃子欽嗣江王

密貞王元曉高祖子上元三年薨子南安王穎嗣神龍初封穎弟亮子曇為嗣密王開元五年五月制曰興滅國繼絕世天下歸心焉况乃仁不遺親德必在祀光復土宇率繇教義者哉故徐州刺史密王元曉望重天地居藩屏家邦伊賴休戚是均乃者王室多難睿圖中

缺凡我宗子咸從殛竄神龍初歲寶運紹興爰命近屬
以為後嗣而曹緒凋翳是非紛雜曇子乘隙妄尸茅土
神且不歆非類人亦奚祀非族莫享無主永懷惻然其
封元曉姪孫銀青光祿大夫行太僕少卿員外置同正
員東莞郡開國公徹為嗣密王以奉其祀

滕王元嬰高祖子文明元年薨子長樂王循琦嗣兄弟
六人垂拱中並陷詔獄神龍初以循琦弟循珂嗣天寶
初卒子湛然嗣十二載封嗣滕王

吳王恪太宗子永徽中以罪誅有子四人仁瑋琨瓊並流于嶺表尋追封恪為鬱林王神龍中封琨子祗為嗣

吳王

濮恭王泰太宗子永徽三年薨子欣封嗣濮王則天初陷酷吏獄貶昭州別駕卒子嶠本名餘慶中興初封嗣濮王

蜀悼王愔太宗子乾封二年薨封子瑤為嗣蜀王永昌中配流歸誠州而死神龍初以吳王恪孫朗陵王瑤子

榆為嗣蜀王

蔣王暉太宗子上元年自殺子煇嗣垂拱中為則天所害子銑早卒神龍初封銑子紹宗為嗣蔣王卒子欽福嗣

越敬王貞太宗子則天時與其子琅邪王冲謀復唐室事敗而死開元四年十月癸未詔曰九族以親克敦其教百代必祀允章厥德故越王貞執心不回臨事能斷粵自藩國勤于王家弘道之後寶圖將缺懷劉章之輔

漢追鄭武之翊周遂能奮不顧身率先唱義雖英謀未
尅而忠節居多嗣絕國除年踰二紀莫享淪廢朕甚憫
焉夫存或高功歿有明祀數屯則安衆懼禍時泰則高
陽紹封永言典繼式備典冊其封貞姪孫故許王男左
監門衛將軍員外置同正員夔國公琳為嗣越王以奉
其祀

紀王慎太宗子則天時流死中興初追復官爵令以禮
改葬封慎少子鐵誠為嗣紀王後改名澄開元初歷德

棟冀三州刺史左驍衛將軍薨子行周嗣

江瑒王翥太宗子貞觀六年薨以吳王恪孫玄為嗣江王景龍四年以吳王孫禘繼江王翥後

趙王福太宗子貞觀中出繼隱太子建成咸亨元年薨中興初封蔣王憚孫思順為嗣趙王

曹王明太宗子永隆中坐與庶人賢通謀自殺有二子南州別駕零陵王俊黎國公傑垂拱中並遇害中興初封傑子肩為嗣曹王肩叔父備自南州還又封備為嗣

曹王後備招慰忠州叛獠沒于賊又封肩為王卒子戢
嗣戢卒子臯嗣

澤王上金高宗子載初元年武承嗣使酷吏周興誣告
上金自縊死子義璉義珍義玫義璋義環義瑾義璿七
人並配流死神龍初追復爵土開元十四年四月制曰
先親之義所以敦叙廣封之道所以利達故澤王男義
珣漸慶元族分榮帝系早承先寵列在戚藩中因間言
久不立嗣既宗英有譽而拜翰用崇宜順景封之典俾

弘宅土之命可封嗣澤王先是義珣竄在嶺外匿於傭保之間及紹封無幾有人告珣非上金子假冒寵爵義珣不能自明復流于嶺外開元初封許王素節之子璆為嗣澤王繼上金後十二年玉真公主表稱義珣寔上金遺肩被嗣許王瓘兄弟利其封爵謀搆廢之繇是削璆王爵復詔義珣為嗣王拜率更令因是諸宗室非本宗襲爵自中興已後繼為嗣王者皆令歸宗削其爵邑貞元五年十二月封故澤王諛男潤為嗣澤王

許王素節高宗子則天時與子九人並遇害惟少子琳
瓘璆欽古以年少特令長禁雷州神龍初封瓘為嗣許
王瓘開元十一年為衛尉卿以抑伯澤王上金男義珣
不得承襲以弟璆繼之玄宗遽遣瓘為鄂州別駕於是
下詔絕其外繼乃以故澤王上金男義珣為嗣澤王江
王禕為信安郡王嗣蜀王瑜為廣漢都王嗣密王徹為
濮陽郡王嗣曹王臻為濟國公嗣趙王珝為中山郡王
武陽郡王維宗為澧國公瓘天寶六載卒贈蜀郡大都

督瓘晚有子命璆子益為嗣及卒有解需二子皆幼孺十一載益襲封許王十四載解娶楊銛女乃襲許王

雍王賢高宗子為則天所譖廢為庶人幽於別所永淳二年遷於巴州自殺追封為雍王子子守禮授太子洗馬封為雍王

讓皇帝憲睿宗子累封寧王開元二十八年薨追冊為皇帝長子汝陽郡王璿肅宗元年建辰月嗣寧王璿薨以其子太常寺寺丞擲為嗣寧王食邑三千戶仍試太

僕少卿

惠莊太子撫睿宗子初封申王無子開元七年正月制

曰建侯樹藩命賢裂土以惇戚屬乃率典常司徒兼絳

州刺史上柱國申王撫玉林分彩銀河疏液厥保慶靈

未繁肩緒宋王憲男嗣英

一云宋王男珣

魯庭學禮楚館聞詩

德輝日盛忠際寡立宜其擇猶子之序居承嫡之位廬

江大郡形勝攸屬用圖爾居莫如茲地是錫分珪之寶

俾成磐石之崇可封懷寧郡王食邑三千戶嗣英早卒

撫開元十二年薨天寶三載又以讓帝子疇為嗣申王
岐王範睿宗子開元十四年薨子瑾封河東郡王暴卒
天寶三載以惠宣太子男略陽公珍為嗣岐王


忠宣太子業睿宗子初封薛王開元二十二年薨子珣
封嗣薛王

奉天皇帝琮玄宗子累封慶王天寶十一載薨無子十
三載十一月封故靖德太子男侁為嗣慶王

王欽若等曰唐自玄

宗已後皇子封王王子封郡王不任嗣襲故此後皆闕

梁廣王金昱太祖長兄貞明中卒封長子衡王友諒為
嗣廣王



冊府元龜卷二百八十四